

# **ELKARTEAREN ESTATUTUAK**

## **LEHENENGO KAPITULUA**

### **IZENA**

1. artikulua.- 1997ko maiatzaren 8an eratu eta 1997ko ekainaren 9an inskribaturiko, AS/G/06817/1997, Erregistro zenbakia duen irabazi-asmorik gabeko, "BEGISARE" , GIPUZKOAKO ERRETINOSI PIGMENTARIOAK ERAGINDAKOEN Elkartearen Estatutuak elkartzeko eskubidea arautzen duen martxoaren 22ko 1/2002 Lege Organikoan eta Eusko Legebiltzarrak onartutako ekainaren 22ko 7/2007 Elkartearen legean ezarritakoaren arabera izan dira aldatuak eta gaurkotuak 2009ko MARTXOAREN 28an egindako ez ohizko Batzar Orokorrean.

Aipatutako elkarteak honako araubidea izango du: Elkartearen Legea, estatutu hauek berak (Legearen aurkakoak ez badira), bere Zuzendaritza Batzordeak behar bezala hartutako erabakiak (Legearen edota estatutuen aurkakoak ez badira) eta Eusko Jaurlaritzak xedatzen dituen arauak (azken hauek osagarri besterik ez dira izango).

### **ELKARTEAREN HELBURUAK**

2. artikulua.- Elkarte honen helburuak honako hauek dira:  
Erretinosi Pigmentarioaren inguruan gizartea informatu eta sensibilizatu, ikerkuntza genetikoan batuko ditugularik gure indar guztiak Erretinosi Pigmentarioak eragindakoon taldearen bizikaltate egoki bat lortu arte.

Helburu horiek lortzeko honako ekintza hauek eramango dira aurrera, ezarritako legezko baldintzak bete ondoren:

- Gure kideak dauden aurrerakuntza zientifiko-medikuen inguruan informaturik izan.
- Oftalmologo, genetista, ikerlari, ikerkuntza talde eta Erretinosi Pigmentarioaren inguruan lanean diharduten bestelako profesionalekin elkarlanean aritu.
- Gure kide eta beraien senitarteko eta lagunentzako iharduera sozio-kulturalak antolatu.
- Erakunde edo elkarte analogoekin harremanak estutu.
- Bai erakunde publiko bai pribatu ezberdinetan dirulaguntzak bilatu.
- Elkarte bertako kideen artean elkarren arteko laguntza eta zintzotasuna sustatu.

Aurreko idatz-zatian azaldutako jarduerak gorabehera, Elkarteak, bere xedeak betetzeko, honako hauek egin ahalko ditu:

- Bere helburuak betetzeko edo horretarako baliabideak biltzeko era guztietako jarduera ekonomikoak gauzatzea.
- Era guztietako ondasunak eskuratu eta eduki, eta mota guztietako egintzak eta hitzarmenak egitea.
- Nolanahiko ekintzak burutzea, betiere legeekin eta bere estatutuekin bat etortzekotan.

### SOZIJETATE EGOITZA

3. artikulua.- Elkarte honen helbide nagusia honakoa izango da: ETXAIDE KALEA 14 (ONCE-ren egoitza) CP. 2005 , DONOSTIA.

Elkarteak, horretaz gain, beste egoitzarik eduki dezake Autonomia Erkidegoan, Batzar Orokor Bereziak horrela erabakiz gero. Elkartearen egoitza nagusia edo elkartearen beste egoitzaren bat tokiz aldatzeko erabakia, betiere herri aldaketa suposatzen ez badu, Zuzendaritza Batzordeak hartuko du, eta horrek Elkartearen Erregistroari helbide berria jakinaraziko dio. Beste kasu guztietan, beharrezkoa izango da estatuto aldaketa bat egitea.

### LURRALDE EREMUA

4. artikulua.- Elkarte honen ekintzak, lurralde-eremu honetan gauzatuko dira nagusiki: GIPUZKOAKO LURRALDE HISTORIKOAN.

### IRAUPENA ETA DEMOKRAZIA-ARAUA

5. artikulua.- Elkartearen betirako eratzen da. Ohiz kanpoko Batzar Orokor Bereziaren erabaki bidez baino ezingo da desegin, VI. kapituluaren esaten den bezala, edo legeetan jasotako arrazoiren batengatik.

Elkartearen funtzionamendua eta barne-antolamendua demokratikoak izan beharko dira, eta pluraltasuna erabat errespetatu beharko da. Erabat deusezak izango dira elkartzeko oinarrizko eskubidearen alderdietako edozein betetzen ez duten hitzarmenak, estatutu-xedapenak eta erabakiak.

### BIGARREN KAPITULUA

#### ZUZENDARITZA ETA ADMINISTRAZIO ORGANOK

6. artikulua.- Kide anitzeko honako organo hauek izango dira Elkartearen Zuzendaritza eta administrazioaren arduradunak:

- Bazkideen Batzar Orokorra, organo goren gisa.
- Zuzendaritza Batzordea, kide anitzeko zuzendaritza-organoa iraunkorra.

## BATZAR OROKORRA

7. artikulua.- Bazkide guztiek osatzen duten Batzar Orokorraren bidez adieraziko dira bazkideen nahiak.

Batzar Orokorraren eskumenak:

- a) Elkartearen jarduerako plan orokorra onartzea.
- b) Urteko kontuak eta hurrengo urteko aurrekontua aztertu eta onartzea.
- c) Zuzendaritza Batzordearen kudeaketa onartzea.
- d) Zuzendaritza Batzordeko kideak hautatzea.
- e) Kuota arruntak nahiz aparteko kuotak ezartzea.
- f) Estatutuak aldatzea.
- g) Elkartea desegitea.
- h) Beste elkarte batzuekin batera federazioak eta konfederazioak osatzea, edota horietako batzuk uztea.
- i) Ondasunak xedatu edo besterentzea.
- j) Ordezkaritza organoetako kideen ordainsariak adostea, hala dagokionean.
- k) Elkartekideen betirako elkartetik kanporatzeko erabakia hartzea.
- l) Beste sozietate-organoren bati esleitu gabeko beste edozein eskumen.

8. artikulua.- Batzar Orokorrak ohizko bilerak eta bilera bereziak egingo ditu.

9. artikulua.- Ohizko bilera egiteko deia gutxienez urtean behin egin beharko da eta lehenengo seihilekoan izango da, 7. artikuluko a) b) eta c) letretan zehaztutako erabakiak hartze aldera.

10. artikulua.- Batzar Orokorra Zuzendaritza Batzordeak erabakitakoan bilduko da bilkura berezian, bere kabuz edota bazkideen %33(e)k eskatuta. Bilkura eskatzeko arrazoiak eta helburuak azaldu beharko dituzte. Dena den, honako gaiak aztertze eta erabakitzeko bilera egin beharko da:

- a) Estatutuak aldatzea.
- b) Elkartea desegitea.

11. artikulua.- Batzar Orokorrarako deialdiak idatziz egin behar dira, eta bilerak egingo diren tokia, eguna eta ordua adierazi beharko dira, bai eta gai-zerrenda ere, eztabaidatuko diren gaien aipamen zehatzarekin. Deialdia egiten denetik lehenengo deialdiko batzarra egiteko jarritako egunera bitartean gutxienez hamabost egun izan beharko dira. Hala badagokio, bigarren deialdiaren data eta ordua adieraz daitezke; dena dela, deialdi batetik bestera gutxienez ordubeteko tarte utzi behar da.

Batzar Orokorrak, nahiz ohikoak nahiz ohizkanpokoak, lehenengo deialdian balioz eraturata geratuko dira botoa emateko eskubidea duten elkartekideen herena bertaratzen bada; eta bigarren deialdian, botoa emateko eskubidea duten elkartekideen kopurua edozein dela ere.

12. artikulua.- Batzar Orokorraren erabakiak bertaratuen nahiz ordezkatuena gehiengo sinplez hartuko dira, baiezko botoak ezezkoak baino gehiago direnean. Hala ere, bertaratuen edo ordezkatuena gehiengo kualifikatua (baiezko botoak baliozko botoen erdia baino gehiago badira) beharko dute elkartea desegiteari, estatutuen aldaketei, ondasunen antolamenduari edo besterentzei eta ordezkaritza-organoko kideen ordainketei buruzko erabakiek.
13. artikulua.- Bazkideek beste edozein bazkideren gain utzi dezakete beraien ordezkotza Batzar Orokorreran parte hartzeko. Ordezkotza hori, idatziz egin beharko da, eta Batzarreko idazkariari eman bilera baino ordubete lehenago. Elkarrearen egoitza dagoen herrian bizi ez diren bazkideek ordezkotza beste baten esku uzteko adierazten duen agiria postaz bidali dezakete.

#### ZUZENDARITZA BATZORDEA

14. artikulua.- Zuzendaritza Batzordea elkarrearen interesak kudeatu eta ordezkatzeko dituen organoa da, Batzar Orokorraren xedapen eta arteztarauei jarraikiz. Elkartekideek baino ezingo dute osatu ordezkaritza-organoa.

Zuzendaritza Batzordea honako hauek osatuko dute :  
Presidente, presidenteorde, idazkari, diruzain eta 4 bokal.  
Gutxienez hiruhilekoan behin bildu beharko dute, eta elkarrearen ekintzak bideratzeko beharrezkoa den hainbat alditan.

15. artikulua.- Zuzendaritza Batzordeko kideren bat bilera horietara 3 aldiz jarraian, edo, aldizka 5 aldiz ez bada joaten, dagokion kargua utzi egin beharko du, hutsegite horiek ez baditu arrazoitzen.
16. artikulua.- Batzar Orokorrak hautatuko ditu Zuzendaritza Batzordeko kargudunak, eta 3 urterako izango dira Batzordeak berariaz ezeztatu ezean, eta behin eta berriro hautatu ahal izango dira.
17. artikulua.- Zuzendaritza Batzordekide izateko, honako baldintza hauek bete beharko dira:
- a) Adinduna izatea, eskubide zibil guztien jabe izatea, eta indarrean den legedian ezarritako bateraezintasun-arrazoirik ez izatea.
  - b) Estatutuetan esaten den eran izendatua izatea.

c) Elkarteko bazkide izatea.

18. artikulua.- Zuzendaritza Batzordekide kargua, Batzar Orokorrak izendatu ostean, onartutakoan edo jabetzerakoan hartuko da.

Dena den, Batzar Orokorrak egun-sariak eta gastuak ordaintzea erabaki dezake.

19. artikulua.- Zuzendaritza Batzordeko kideek honako kasu hauetan utziko dituzte karguak:

- a) Agintealdia bukatzen denean.
- b) Dimititzen dutenean.
- c) Bazkide izateari uzten dionean, edo kargurako ezintasun-arrazoiak dituenean.
- d) Batzar Orokorrak kargugabetzea erabakiz gero, estatutu hauetako 16. artikuluan jarritakoaren arabera.
- e) Heriotza.

"a)" puntuan agertzen dena baldin bada kargua uzteko arrazoa, Zuzendaritza Batzordeko kideek jarduneko egoeran jarraitu beharko dute lehenengo Batzar Orokorra egin arte. Batzar horrek aukeratuko ditu kargudun berriak.

b), c), d) eta e) puntuetan agertzen dena baldin bada arrazoa, Zuzendaritza Batzordeak berak hutsik gelditutako kargua betetzeko norbait behin-behingo izendatuko du eta Batzar Orokorrak erabakiko du izendapena onetsi ala ezestea. Ezesten bada, dagokion izendapena egingo da.

Batzorde honen osieran gertatutako aldaketa guztien berri emango zaio Elkartearen Erregistroari.

20. artikulua.- Honako hauek dira Zuzendaritza Batzordearen funtzioak:

- a) Elkartearen ohiko kudeaketaz arduratzea, Batzar Orokorraren jarraibideen arabera eta haren kontrolpean.
- b) Elkarteari aurrera eramango dituen ekintzen egitaraua egitea.
- c) Gastu eta sarreraren urteko aurrekontua eta aurreko urteko kontuen egoera-orria Batzar Orokorrari, onar ditzan, aurkeztea.
- d) Batzar Orokorraren bileretako aztergai-zerrenda egitea, eta Batzar Orokor berezi zein ohikoen deialdiak erabakitzea.
- e) Bazkideek egiten dituzten proposamen eta iradokizunei erantzutea eta dagozkien neurriak hartzea.
- f) Estatutu hauetan jasotzen diren aginduak interpretatzea eta haietako hutsuneak betetzea, betiere elkartearen inguruan indarrean diren legeei jarraituz.

g) Batzar Orokorrak berariazko erabaki bidez ematen dizkion eskumenak gauzatzea, betiere ez badira bere eskumen eskusibokoak.

21. artikulua.- Zuzendaritza Batzordeak, presidenteak eta, hala badagokio, presidenteordeak erabakitako bakoitzean egingo ditu bilerak, euren kabuz nahiz batzordekideren batek eskatuta. Bileraren buru presidentea izango da, edo, bertan ez balego, presidenteordea. Biak falta badira, berriz, batzordekide zaharrena.

Batzordeak hartutako erabakiak baliozkoak izateko, biltzen diren batzordekideen gehiengoak onartu beharko ditu. Horretarako, gutxienez batzordekideen kopuruaren erdiak egon beharko du Batzarrean.

Idazkariak bilera-aktak egingo ditu. Agiri horiek dagokien liburuan jasoko dira idatziz.

## PERTSONA BAKARREKO ORGANOKAK

### PRESIDENTEA

22. artikulua.- Presidenteak elkartearen legezko ordezkariak hartzen ditu. Zuzendaritza Batzordeak eta Batzar Orokorrak hartutako erabakiak aurrera eramango ditu. Era berean, aipaturiko bi sail horien presidente izango da.

23. artikulua.- Presidenteari egokituko zaizkio hurrengo ahalmenak:

- a) Zuzendaritza Batzordeak eta Batzar Orokorrak egiten dituzten bileren deiak egitea; bilerak bukatutzat ematea; bileretan sortzen diren eztabaidak zuzentzea; eta boto-berdinketa gertatuz gero, boto ebazleaz erabakitzea.
- b) Elkartearen ekintzen egitasmoa Zuzendaritza Batzordeari proposatzea, eta aldi berean, elkartearen zereginak bultzatu eta zuzentzea.
- c) Balioz erabakitako ordainketak egiteko agintzea.
- d) Sortu daitezkeen premiazko arazoak konpontzea, eta Zuzendaritza Batzordeari lehenengo bilkuran horien berri ematea.
- e) Batzar Orokorrak berariazko erabaki bidez ematen dizkion eskumenak gauzatzea, betiere ez badira haren eskumen eskusibokoak.

### PRESIDENTEORDEA

24. artikulua.- Presidenteordeak presidenteari lagunduko dio, eta, presidenteak aldi baterako ezintasuna daukanean, ordezkatu

egingo du. Era berean, presidenteak berariaz emandako ahalmen guztiak izango ditu.

### IDAZKARIA

25. artikulua.- Idazkariari dagokio, zehazki, elkartean sartzeko eskabideak hartu eta bideratzea, fitxategia eta Bazkideen Erregistro Liburua zaintzea, eta Akta Liburuaren zaintzaren eta idazketaren ardura izatea.

Era berean, elkartean arloan indarrean dauden legezko erabakiak bete daitezen arduratuko da, Erakundearen agiri ofizialak zainduz, elkarteko liburuaren eta agirien edukia egiaztatuz eta Zuzendaritza Batzordearen hautaketari eta elkartearen egoitza aldatzeari buruzko beharrezko jakinerazpenak dagokion agintaritzarengana bideratuz.

### DIRUZAINA

26. artikulua.- Egindako sarrera eta ordainketen berri emango du diruzainak, eta diru-sarrera eta gastuen urteroko aurrekontua eta aurreko urteko kontuen egoera ere jakinaraziko du. Guzti horiek Zuzendaritza Batzordearen aurrean aurkeztu behar dira, eta honek Batzar Orokorrari, onartu ditzan.

### HIRUGARREN KAPITULUA

#### BAZKIDEAK: ONARPEN BIDEAK, BALDINTZAK ETA MAILAK

27. artikulua.- Elkartekide izan daiteke edozein izaerako pertsona fisiko, zeinak elkartearen helburuekin betetzeko interesa eta hurrengo baldintzetatik bat betetzen duen:

- Beraien eskubideen egikaritzarako baldintza legalik ezta euren gaitasuna mugatzen duten indarrengo ebazpen judizialik ez duten adineko edo adingabe emantzipatuak.
- Emantzipaturik ez dauden hamalau urte baino gehiagoko adingabeak, beraien gaitasun gabezia beteko dutenen dokumentalki akreditaturiko baimenarekin, urtarrilaren 15eko adingabeen babes juridikoa 1/1996 lege organikoaren 7.2-k haurren, gazteen edo ikasleen erregimen berezia aurreikusteari utzi gabe.
- Tutela edo kuratelapean dauden pertsonak, beraien gaitasun gabezia bete edo osatuko dutenen dokumentalki akreditaturiko baimenarekin, baina ezingo djra gobernurako organo kolejiatuko kide izan, existituko balitz, ez eta elkartea ordezkatu ere.

28. artikulua.- Elkartean sartu nahi duenak idatziz aurkeztu beharko du bere eskabidea eta presidenteari zuzenduko zaio. Presidenteak horren

berri Zuzendaritza Batzordeari emango dio, eta horrek erabakiko du eskabidea egin duena elkartean onartu ala ez. Dena den, gorako errekurtsioa jarri ahal izango da Batzar Orokorraren aurrean.

29. artikulua.- Batzar Orokorraren erabakiz, elkarreak Ohorezko Bazkide izendatu ahal izango ditu bazkide izateko baldintza guztiak bete arren elkarrearen helburuak betetzeko bertaratu ezin diren pertsonak. Bazkide horiek ohorezkoak dira soilik, eta beraz, ez dira legezko bazkide, ez dute elkarreko zuzendaritza eta administrazioko gobernu-organoetan parte hartzeko eskubiderik, ez eta inongo betebeharririk ere.

Elkarreak kide-laguntzaile izaera xedatu ahaliko die elkarrea ekonomikoki laguntzeko prest dauden pertsonari, bai aurrezarritako urteroko kuota baita egoki deritzoten kantitatea ordainduz ere. Berauen eskubideak Batzar Orokorrean boturik gabe parte hartzera eta Estatutu hauetako 30. artikuluan ezarritako 6) eta 7) puntuetara murriztuko dira.

#### BAZKIDEEN ESKUBIDEAK ETA BETEBEHARRAK

30. artikulua.- Elkarrekide guztiek honako eskubide hauek dituzte:

- 1) Elkarreari buruzko Legearen edo estatutuen kontrako erabaki eta jarduteak inpugnatzea, aurkatutako erabakiaren edukia ezagutu edo ezagutzeko aukera izan duen egunetik hasi eta 40 egun naturaleko epean.
- 2) Elkarrearen gobernu- eta ordezkaritza-organoen osaerari, elkarrearen kontu-egoerari eta haren jarduerari buruzko informazioa jasotzea.
- 3) Elkarreko beste bazkideen nortasuna, diru-sarrerara eta gastu-kontuen egoera, eta elkarrearen ekintzen garapenaren berri uneoro jakitea.
- 4) Batzar orokorretan hitz egiteko eta botoa emateko eskubidea erabiltzea, eta eskubide hori beste bazkideren baten esku utzi ahal izatea.
- 5) Elkarreko estatutu hauen arabera, elkarreko zuzendaritza-organoetan parte hartzea eta organo horietarako hautagai nahiz hautesle izatekoa.
- 6) Indarrean diren legeetan zehaztutako bazkide-zerrendan agertzea, eta elkarrearen ikurra, baldin badu behintzat, erabiltzea.
- 7) Estatutuen eta, egonez gero, barne-araudiaren ale bana edukitzea, eta zuzendaritza-organoari eskakizunak eta kexak aurkeztea.
- 8) Elkarrearen talde-ekintzetan parte hartzea, eta bazkideen erabilerako gauzak erabiltzea (liburutegiak, elkarrearen



egoitza, eta abar). Zuzendaritza Batzordeak, kasuan kasu, erabakitako moduan.

- 9) Zigortze-neurriak hartu baino lehen, bazkideak idatziz adierazitakoa kontutan hartzea eta neurri horiek hartzea eragin duten arrazoiari buruz azalpenak jasotzea. Neurri horiek hartzeko arrazoiak bazkideei dagozkien betebeharrak ez betetzean oinarritu daitezke soilik.
- 10). Edozein momentuan elkartearen uztea, betiere ordurarte hartutako konpromezuak betetzeke utzi gabe.

31. artikulua.- Bazkideen betebeharrak honako hauek dira:

- a) Elkartearen helburuak gauzatzeko lankidetzaren aktibitatea ematea.
- b) Ezarritako bazkide-sariak, derramak eta bestelako ekarpenak ordaintzea, gastuak ordaintzeko.
- c) Estatutu hauek eta elkartearen zuzendaritza-organismoek balioz hartutako erabakiak bete eta horiei men egitea.

#### ZIGOR-ARAUAK

32. artikulua.- Estatutuak edo Batzar Orokorrak nahiz Zuzendaritza Batzordeak hartutako erabakiak behin eta berriz hausteagatik Zuzendaritza Batzordeak bazkideak zigortu ahal izango ditu.

15 egunetik hilabetea bitarte eskubideak kentzetik elkartetik betirako egozterainokoa izan daiteke zigorra, betiere 34. artikulutik eta 37.a bitartekoetan jasotakoaren arabera.

Ondorio horietarako, presidentek zigorgarri izan daitezkeen jokabideak aztertzeko ikerketa egiteko erabakia hartu ahal izango du. Ikerketa horiek Idazkaritzak eramango ditu aurrera, eta Zuzendaritza Batzordeari neurri egokiak hartzeko proposatuko dio. Zigorra ezartzeko ahalmena Zuzendaritza Batzordeak izango du, eta zigorra ezarri aurretik interesatuak adierazitakoa kontutan hartu beharko da.

Erabaki horren arrazoiak emango dira beti, eta haren aurkako errekurtsioa jarri ahal izango da Batzar Orokorraren aurrean, 30.1 artikuluan zehaztutako ekintzen kalterik gabe.

#### BAZKIDETZA GALTZEA

33. artikulua.- Bazkidetza honako kasu hauetan galduko da:

1. Heriotza (edo desagitea, pertsona juridikoen kasuan).
2. Bazkidea nahita aldentzea.
3. Zuzendaritza Batzordeak erabakitako zigorra dela eta, honako kasu hauetan: Estatutuotatik eratorritako betebeharrak eta Batzar Orokorrak eta Zuzendaritza Batzordeak balioz hartutako

erabakietan ezarritako betebeharrak larriki haustea behin eta berriro.

34. artikulua.- Bazkideren bat 33.3. artikuluan zehaztutako kasuetako edozeinetan bada, presidenteak agindu diezaioke idazkariari, gertaeren berri izatearren, aurretiazko eginbide batzuk egin ditzan. Eginbide horiek ikusita, presidenteak ekintza bertan behera uztea edo edota zigor-espedienteari hasiera ematea erabaki dezake

35. artikulua.- 33.3. artikuluan zehaztutako kasuetako edozeinengatik zigor-espedientea hasten bada, idazkariak, egintzak egiaztatu ondoren, idatzi bat bidaliko dio dagokionari, leporatzen zaizkion salaketen berri emateko. Salaketa horiei erantzuteko, bere aldeko arrazoiak azaldu ahal izango ditu 15 eguneko epean. Epe hori amaituta, edonola ere, Zuzendaritza Batzordeko lehenengo bilkurara eramango da kasua, eta bertan hartuko da erabaki egokia. Horretarako Batzarkideetatik gehiengo arrunta duen quoruma behar izango da.

Elkartetik kanporatzeko erabakia interesatuari jakinaraziko zaio eta, era berean, hurrengo Batzar Orokor Berezian errekurtsua aurkez dezakeela azalduko zaio. Batzar horretarako deirik ez bada egiten hiru hilabeteren barruan, errekurtsu hori nahikoa izango da batzarra egiteko. Bien bitartean, Zuzendaritza Batzordeak dagokionari bazkide-eskubideak kentzea erabaki ahal izango du, eta Zuzendaritza Batzordeko kide bada, kargu hori utzarazi beharko dio.

Kanporatzeko espedientea Batzar Orokorrari aurkeztuz gero, idazkariak espedientearen laburpena egingo du, Zuzendaritza Batzordeak interesatuak aurkeztutako idatziaren eta egintzen berri zehatza Batzar Orokorrari eman ahal izateko, azken horrek dagokion erabakia har dezan.

36. artikulua.- Kanporatze-erabakia –betiere arrazoiak emanda–, dagokionari jakinaraziko zaio eta horrek, eskubideaz baliatuz, auzitegietara jo ahal izango du; bere ustez, erabakia legearen edo estatutuen aurkakoa dela jotzen badu.

37. artikulua.- Bazkideren bati kanporaketaren berri ematerakoan –berak nahi izanda edo zigorra ezarri zaiolako– bete gabe dituen betebeharrak betetzeko eskatuko zaio, hala badagokio.

## LAUGARREN KAPITULUA

### SORTZE-ONDAREA ETA AURREKONTU-ARAUAK

38. artikulua.- Elkarteak ez zuen ondarerik bere sorreran.
39. artikulua.- Elkarteak, bere ekintzak aurrera eramateko, honako diru-baliabide hauek aurreikusten ditu:
- a) Batzar Orokorrak ezarritako sarrera-kuotak.
  - b) Batzar Orokorrak erabakitako aldizkako kuotak.
  - c) Elkarteak dauzkan ondasun eta eskubideetatik ateratzen dituen ekoizpenak. Baita legez jaso ditzakeen diru-laguntzak, ondareak eta dohaintzak ere.
  - d) Estatutuen helburuak kontutan harturik, Zuzendaritza Batzordeak erabakitako ekintza bidezkoek dakartzaten irabaziak, betiere estatutu hauetan jasotako helburuen esparruan.

Elkarte- eta ekonomia-ekitaldia urtekoa izango da, eta urte bakoitzeko abendua(a)ren 31(a)n itxiko da.

Elkarteak, jarduera ekonomikoak (zerbitzuak ematea barne) gauzatuta, lortzen dituen irabaziak haren helburuak betetzeko baino ez dira erabili beharko. Inola ere ezingo dira elkartekideen artean banatu, ez eta haien ezkontideekin edota haiekin antzeko afektibitate-erlazioan bizi diren pertsonekin ere, ez eta haien senideekin ere. Ezingo zaizkio, halaber, mozkina irabazteko asmoa duten pertsona juridiko edo fisikoei doan laga.

## BOSGARREN KAPITULUA

### ESTATUTUEN ALDAKETA

40. artikulua.- Estatutuen aldaketa bazkideen Batzar Orokorrean erabaki behar da, bai bere ekimenez, bai bazkideen %33k eskatuta; Batzar Orokorrak xede horrekin deitua izan behar du. Dena den, bi kasuetan Zuzendaritza Batzordeak hiru bazkidek osatutako batzorde-txostengile bat izendatuko du, aldaketa-egitasmoa idazteko. Egitasmo hori Zuzendaritza Batzordeak ezarritako jarraibideen arabera egingo da, eta Batzorde berak jarriko du egitasmoa amaitzeko epea.
41. artikulua.- Aldaketa-egitasmoa epe barruan idatzi eta gero, presidentek hurrengo Zuzendaritza Batzordearen aztergai-zerrendan sartuko du. Batzorde horrek egitasmoa onartu, edo, berriz ere, lantaldeari itzuliko dio, atzera ere aztertzeko.

Egitasmoa onartuz gero, Zuzendaritza Batzordeak hurrengo Batzar Orokor Bereziaren aztergai-zerrendan sartzea erabakiko du, edo horretarako propio egingo du Batzar Orokorrerako deia.

42. artikulua.- Batzarrerako deiarekin batera, estatutuen aldaketen testua bidaliko da, bazkideek egoki iruditzen zaizkien zuzenketak Idazkaritzan aurkeztu ahal izateko. Zuzenketa-proposamenen hori Batzar Orokorrari emango zaio, betiere batzarra egin baino zortzi egun lehenago Idazkaritzan jaso badira.

Zuzenketak banaka nahiz taldeka egin daitezke. Idatziz egin beharko dira, eta beste testu-aukera bat izan beharko dute. Zuzenketak bozkatu ostean, Batzar Orokorrak estatutuak aldatzeko Erabakia hartuko du, eta Elkartearen Erregistroan sartzen denetik aurrera baino ez du eragina izango hirugarrenengan.

## SEIGARREN KAPITULUA

### ELKARTEA DESEGITEA ETA ELKARTE-ONDAREAREN ZERTARAKOA

43. artikulua.- Elkartearen desegingo da honako arrazoiengatik:

1. Bazkideek nahi dutelako. Nahi hori horretarako bildutako Batzar Orokorrean azaldu beharko da, eta bertan daudenen gehiengoaren botoak jaso beharko ditu.
2. Kode Zibileko 39. kapituluaren azaltzen diren arrazoiengatik.
3. Epai judizial bidez.

44. artikulua.- Elkartearen deseginez gero, erabakia hartu duen Batzar Orokorrak Kitapen-Batzordea izendatuko du. Batzorde hori Zuzendaritzako 5 batzordekideek osatuko dute eta dagoen diruaz arduratuko da.

Bazkideekiko eta besterekiko elkartearen zorrak ordaindu ondoren, geratzen den elkarte-ondarea, geratzen bada behintzat, irabazi asmorik gabeko jarduerak egiteko, Erretinosi Pigmentarioaren inguruko ikerkuntza proiektuetara emango da

## AZKEN XEDAPENA

Estatutu hauek garatzeko asmoz, Batzar Orokorrak barne-araudia onartu ahal izango du. Horrek inolaz ere ez ditu estatutuetako aginduak aldatuko.